

Headline	1Borneo nafi cuba rasuah SESB		
MediaTitle	Harian Metro (Sabah and Sarawak)		
Date	18 Jul 2018	Language	Malay
Circulation	3,028	Readership	9,084
Section	News	Page No	3
ArticleSize	70 cm ²	Journalist	N/A
PR Value	RM 771		



1Borneo nafi cuba rasuah SESB

Pengurusan pusat beli-belah 1Borneo menafikan dakwaan pihaknya cuba menyogok Sabah Electricity Sdn Bhd (SESB) berkaitan tunggakan bil elektrik yang mencecah lebih RM8.7 juta.

1Borneo Management Corporation (1BMC) dalam kenyataannya menyifatkan dakwaan itu tidak berasas.

“Kami dengan tegas menyangkal semua laporan dan dakwaan kononnya pegawai kami cuba menyogok SESB pada 13 Julai (Jumaat) lalu di Wisma SESB.

“Dalam semua urusan

yang berkaitan SESB, hanya dua wakil yang diberi kuasa mewakili 1BMC.

“Memang ada pertemuan dengan pegawai dari SESB pada 13 Julai lalu, tetapi kita menyangkal semua tuduhan rasuah oleh mana-mana wakil yang diberi kuasa,” kata 1BMC dalam kenyataan, semalam.

Pengurusan 1BMC turut menjelaskan, kedua-dua wakil pusat beli-belah itu turut terkejut dengan laporan berita berhubung laporan yang diserahkan SESB kepada Suruhanjaya Pencegahan Rasuah Malaysia (SPRM).